

ЎЗБЕКИСТОН РЕСПУБЛИКАСИ
ҚОНУН ҲУЖЖАТЛАРИ
ТЎПЛАМИ

45-сон
(181)
2005 й.
ноябрь

Ўзбекистон Республикаси Қонун ҳужжатлари тўплами беш бўлимдан иборат:

тўпلامнинг биринчи бўлимида Ўзбекистон Республикаси қонунлари ва Ўзбекистон Республикаси Олий Мажлиси палаталарининг қарорлари эълон қилинади;

иккинчи бўлимда Ўзбекистон Республикаси Президентининг фармон, қарор ва фармойишлари эълон қилинади;

учинчи бўлимда Вазирлар Маҳкамасининг қарор ва фармойишлари эълон қилинади;

тўртинчи бўлимда Ўзбекистон Республикаси Конституциявий судининг қарорлари эълон қилинади;

тўпلامнинг бешинчи бўлимида вазирликлар, давлат қўмиталари ва идораларининг Ўзбекистон Республикаси Адлия вазирлигида давлат рўйхатидан ўтказилган норматив-ҳуқуқий ҳужжатлари эълон қилинади.

МУНДАРИЖА

Иккинчи бўлим

337. «Республика комиссиялари ва кенгашлари фаолиятини тартибга солиш тўғрисида» Ўзбекистон Республикаси Президентининг 2005 йил 6 ноябрдаги ПФ–3675-сон Фармони
338. «Мустақил телерадио каналларни ислоҳ қилиш ва ривожлантириш чора-тадбирлари тўғрисида» Ўзбекистон Республикаси Президентининг 2005 йил 8 ноябрдаги ПФ–3678-сон Фармони
339. «2006 йилда қишлоқ хўжалиги кооперативлари (ширкатлари)ни фермер хўжалиқларига айлантириш чора-тадбирлари тўғрисида» Ўзбекистон Республикаси Президентининг 2005 йил 8 ноябрдаги ПҚ–215-сон қарори [Кўчирма]
340. «Ўзбекистон Республикасининг 2006 йилги Инвестиция дастури тўғрисида» Ўзбекистон Республикаси Президентининг 2005 йил 8 ноябрдаги ПҚ–216-сон қарори

Учинчи бўлим

341. «Айрим республика комиссиялари ва кенгашлари таркибига ўзгартиришлар

- киритиш тўғрисида» Ўзбекистон Республикаси Вазирлар Маҳкамасининг 2005 йил 7 ноябрдаги 244-сон қарори [Кўчирма]
342. «Ўзбекистон Республикаси Ҳукуматининг айрим қарорларини ўз кучини йўқотган деб ҳисоблаш тўғрисида (Ўзбекистон Республикаси Президентининг «Экспорт-импорт операцияларини тартибга солишга доир қўшимча чора-тадбирлар тўғрисида» 2005 йил 19 сентябрдаги ПҚ-183-сон қарори)» Ўзбекистон Республикаси Вазирлар Маҳкамасининг 2005 йил 10 ноябрдаги 246-сон қарори
343. «Озонни бузувчи моддаларни ва таркибида улар мавжуд бўлган маҳсулотларни Ўзбекистон Республикасига олиб киришни ва Ўзбекистон Республикасидан олиб чиқишни тартибга солишни такомиллаштириш тўғрисида» Ўзбекистон Республикаси Вазирлар Маҳкамасининг 2005 йил 11 ноябрдаги 247-сон қарори

Бешинчи бўлим

344. «Топширилган пахта ҳосилидан фермер ва бошқа қишлоқ хўжалиги корхоналарига тегишли бўлган пахта истеъмол ёғи, шелуха ва кунжарани етказиб бериш тартиби тўғрисидаги низомни тасдиқлаш ҳақида» Ўзбекистон Республикаси Қишлоқ ва сув хўжалиги вазирининг 2005 йил 6 ноябрдаги 223-сон буйруғи. *(Ўзбекистон Республикаси Адлия вазирлиги томонидан 2005 йил 7 ноябрда 1519-сон билан давлат рўйхатидан ўтказилди)*
345. «Тижорат банклари томонидан ширкат ва фермер хўжаликларига уларга тегишли пахта ёғи, шрот ва шелухани ёғ-мой корхоналари ва уларнинг шохобчаларидан ўз вақтида харид қилишлари учун кредит бериш тартиби тўғрисида низомни тасдиқлаш ҳақида» Ўзбекистон Республикаси Марказий банки Бошқарувининг 2005 йил 22 октябрдаги 23/9-сон қарори. *(Ўзбекистон Республикаси Адлия вазирлиги томонидан 2005 йил 7 ноябрда 1520-сон билан давлат рўйхатидан ўтказилди)*
346. «Ўзбекчармпойабзали» уюшмасининг ишлаб чиқариш корхоналарига фурнитурра, ёрдамчи ва бутловчи материалларни сотиб олиш учун нақд пул маблағларини бериш тартиби тўғрисида низомни ўз кучини йўқотган деб ҳисоблаш тўғрисида» Ўзбекистон Республикаси Марказий банки Бошқаруви, Молия вазирлигининг 2005 йил 12 октябрдаги 22/3, 100-сон қарори. *(2005 йил 7 ноябрда давлат реестридан чиқарилди)*
347. «Ўзбекенгилсаноат» уюшмаси ва «Ўзбек қорақўли» компанияси тизимидаги ширкатлар таъсисчилари — жисмоний шахслар маблағлари ҳисобига аҳолидан сотиб олинган тери, қорақўл ва мўйна хом ашёси учун ҳисоб-китоб қилиш тартибини ва Тижорат банклари томонидан қайта ишловчи корхоналарга сут, тирик мол, жун, қорамол ва майда моллар териси, мева-сабзавот ва полиз маҳсулотларини харид қилиш учун нақд пул бериш ва улардан фойдаланиш тартиби тўғрисидаги низомни ўз кучини йўқотган деб ҳисоблаш тўғрисида» Ўзбекистон Республикаси Марказий банки Бошқарувининг 2005 йил 12 октябрдаги 22/2-сон қарори. *(2005 йил 7 ноябрда давлат реестридан чиқарилди)*
348. «Давлат улушларини бошқариш бўйича давлатнинг ишончли вакиллари, бошқарувчи компаниялар ва ишончли бошқарувчилар фаолияти самарадорлиги мониторингини юритиш тартиби тўғрисидаги низомга ўзгартириш ва қўшимчалар

киритиш ҳақида» Ўзбекистон Республикаси Давлат мулки қўмитасининг 2005 йил 1 ноябрдаги 01/06-18/06-сон қарори. (*Ўзбекистон Республикаси Адлия вазирлиги томонидан 2005 йил 11 ноябрда 1394-1-сон билан давлат рўйхатидан ўтказилди*)

Вазирликлар, давлат қўмиталари ва идораларининг умумий мажбурий тусдаги меъёрий ҳужжатларини давлат рўйхатидан ўтказиш ҳолати тўғрисида 2005 йил 7 ноябрдан 11 ноябргача бўлган маълумот

ИККИНЧИ БЎЛИМ

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ФАРМОНИ

337 Республика комиссиялари ва кенгашлари фаолиятини тартибга солиш тўғрисида

Республика комиссиялари ва кенгашлари таркибини Ўзбекистон Республикаси Вазирлар Маҳкамаси ижроия тузилмасига киритилган ўзгартишларга мувофиқлаштириш, шунингдек улар фаолиятини тартибга солиш мақсадида:

1. Корхоналар банкротлиги ва санацияси масалалари бўйича Хукумат комиссияси тугатилиб, унинг вазифалари Ўзбекистон Республикаси Монополиядан чиқариш, рақобат ва тадбиркорликни қўллаб-қувватлаш давлат қўмитаси зиммасига юклансин.

2. Адлия вазирлиги ҳамда Ўзбекистон Республикаси Монополиядан чиқариш, рақобат ва тадбиркорликни қўллаб-қувватлаш давлат қўмитаси бир ой муддатда манфаатдор вазирликлар ва идоралар билан биргаликда қонун ҳужжатларига ушбу Фармоннинг 1-бандидан келиб чиқадиган ўзгартиш ва қўшимчалар тўғрисидаги таклифларни киритсин.

3. 1-иловага* мувофиқ Ўзбекистон Республикаси Президентининг айрим ҳужжатларига ўзгартиш ва қўшимчалар киритилсин.

4. 2-иловага мувофиқ Ўзбекистон Республикаси Президентининг айрим фармонлари ўз кучини йўқотган деб ҳисоблансин.

5. Мазкур Фармоннинг ижросини назорат қилиш Ўзбекистон Республикаси Бош вазири Ш.М. Мирзиёев зиммасига юклансин.

Ўзбекистон Республикаси Президенти И. КАРИМОВ

Тошкент ш.,
2005 йил 6 ноябрь,
ПФ-3675-сон

Ўзбекистон Республикаси Президентининг
2005 йил 6 ноябрдаги ПФ-3675-сон
Фармонига
2-ИЛОВА

Ўзбекистон Республикаси Президентининг ўз кучини йўқотган фармонлари рўйхати

1. «Корхоналарнинг банкротлиги тўғрисидаги қонунчиликни амалга ошириш чора-тадбирлари ҳақида» Ўзбекистон Республикаси Президентининг 1996 йил 11 декабрдаги ПФ-1658-сон Фармони.

* 1-илова берилмайди.

2. «Корхоналар банкротлиги ва санацияси механизмини такомиллаштириш тўғрисида» Ўзбекистон Республикаси Президентининг 1999 йил 23 июлдаги ПФ-2342-сон Фармонининг 6-банди.

3. «Корхоналар банкротлиги ва санацияси масалалари бўйича Ҳукумат комиссияси тўғрисида» Ўзбекистон Республикаси Президентининг 2003 йил 31 январдаги ПФ-3204-сон Фармони.

4. «Ўзбекистон Республикаси Президентининг айрим фармонларига ўзгартиришлар киритиш тўғрисида» Ўзбекистон Республикаси Президентининг 2003 йил 30 августдаги ПФ-3306-сон Фармонининг 1-банди.

5. «Ўзбекистон Республикаси Президентининг баъзи фармонларига ўзгартиришлар киритиш тўғрисида» Ўзбекистон Республикаси Президентининг 2004 йил 8 январдаги ПФ-3376-сон Фармони иловасининг 2-банди.

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ФАРМОНИ

338 Мустақил телерадио каналларни ислоҳ қилиш ва ривожлантириш чора-тадбирлари тўғрисида

Мамлакатни демократик янгилаш ва модернизациялаш, очиқ фуқаролик жамиятини барпо этиш, одамлар онгида демократик кадриятларни шакллантиришда мустақил оммавий ахборот воситаларини, энг аввало, алоҳида аҳамиятга эга бўлган телерадиоэшиттириш фаолиятини ривожлантириш Ўзбекистонда амалга оширилаётган ижтимоий-сиёсий ва социал-иқтисодий ислохотларнинг муҳим йўналиши ҳисобланади.

Бугунги кунда телерадиоэшиттириш соҳаси 50 та телестудия, 13 та радиостанция, 36 та кабелли телевидение студияларидан иборат давлат ва нодавлат электрон оммавий ахборот воситаларини ўзига қамраб олади.

Ўзбекистон телерадиокомпанияси республикадаги телерадиоэшиттириш тизимининг энг йирик субъекти бўлиб, унда ҳозир олти мингга яқин журналист, бошқа ижодий ва техник ходимлар меҳнат қилмоқда. Компания ўз кўрсатув ва эшиттиришларини тўртта теле ва тўртта радиоканал орқали республика ҳудудининг 98 фоизига тарқатади, кўрсатув ва эшиттиришларнинг ўртача бир кунлик ҳажми 54 ва 93,2 соатни ташкил этади.

Кейинги йилларда қўрилган чора-тадбирлар натижасида телерадиоэшиттириш тизими мукамал ва замонавий ишлаб чиқариш-техника базасига эга бўлди. Энг янги ахборот-коммуникация технологияларидан фойдаланган ҳолда телерадио дастурларини тарқатиш тармоғининг қабул қилиш-узатиш тизимларини реконструкция қилиш ишлари ниҳоясига етказилмоқда. Телерадио кўрсатувлари ва эшиттиришларини ишлаб чиқариш ҳамда шакллантириш жараёнига замонавий рақамли ускуналар ва медиатеchnологиялар тадбиқ этилмоқда.

Шу билан бирга Ўзбекистон телерадиокомпаниясининг фаолияти ҳали замонавий талаб ва андозаларга тўла жавоб беради, деб бўлмайди.

Ўзбекистон телерадиокомпаниясини бошқаришнинг мавжуд тизими, бошқарув

тузилмаларидаги бир-бирини такрорлаш ва параллелизм, телерадиоканалларнинг ҳуқуқий ва иқтисодий жиҳатдан мустақил эмаслиги телерадиоиндустрия бозорини ривожлантиришга, ғоя ва дастурларнинг ижобий рақобатига тўсиқ бўлмоқда. Молиялаштириш тизимининг марказлаштирилгани, телерадиоэшиттириш соҳаси мутахассисларининг ижодий ва техник хизматларига янги дастур ва лойиҳаларни амалга оширишга жамоалар қўшган аниқ хиссасини ҳисобга олмай туриб, ҳақ тўланаётгани Ўзбекистон телерадиокомпанияси журналистлари ва бошқа ходимларининг юқори унум билан, ижодий ташаббус ва фаоллик кўрсатиб меҳнат қилишига йўл бермаяпти.

Ўзбекистон телерадиокомпанияси, аввало, унинг ҳудудий бўлинмалари кўрсатув ҳамда эшиттиришларининг профессионал даражаси, ғоявий-бадий савияси ва сифати ҳамон пастлигича қолмоқда.

Мавжуд шарт-шароитлар телерадиожурналистларнинг мамлакатда ва жаҳонда содир бўлаётган ижтимоий-сиёсий жараёнларга ўз вақтида ва тезкорлик билан эътибор қаратиш борасидаги фаолиятнинг янада султалашувиға олиб келмоқда.

Мустақил телерадио каналларини янада ривожлантириш ва ислоҳ қилиш, ижтимоий-сиёсий ва социал-иқтисодий ислохотларни янада чуқурлаштириш, аҳоли ҳамда жамиятнинг ҳар томонлама ва холис ахборотга бўлган талаб-эҳтиёжларини қондиришда мамлакатимизнинг электрон оммавий ахборот воситалари ролини ошириш мақсадида:

1. Иқтисодиёт вазирлиги, Давлат мулкани бошқариш давлат қўмитаси, Молия вазирлигининг Ўзбекистон телерадиокомпаниясини Ўзбекистон миллий телерадиокомпанияси (Ўзбекистон МТРК) этиб қайта ташкил қилиш ва унинг таркибига қуйидагиларни:

«Ўзбекистон» телеканали ва «Ўзбекистон» радиоканали негизда ташкил қилинадиган «O'zbekiston» телерадиоканали» давлат унитар корхонаси;

«Спорт» телеканали ва «Машъал» радиоканали негизда ташкил қилинадиган «Sport» телерадиоканали» давлат унитар корхонаси;

«Тошкент» телеканали ва «Дўстлик» радиоканали негизда ташкил қилинадиган «Toshkent» телерадиоканали» давлат унитар корхонаси;

«Республика телемаркази», «Республика радио ва овоз ёзиш уйи», «Нукус телерадиомаркази» корхоналари негизда ташкил қилинадиган «Respublika teleradiomarkazi» давлат унитар корхонаси;

«Ўзбектелефильм» студияси негизда ташкил қилинадиган «O'zbektelefilm» давлат унитар корхонаси;

Қорақалпоғистон Республикаси, вилоят телерадиокомпаниялари, шунингдек бошқа ижодий, ишлаб чиқариш-техника булинмаларини, 1-иловага* мувофиқ кириштиш тўғрисидаги таклифига розилик берилсин.

2. Қуйидагилар Ўзбекистон миллий телерадиокомпаниясининг асосий вазифалари этиб белгилансин:

аҳолини, шунингдек чет эл жамоатчилигини Ўзбекистоннинг сиёсий, иқтисодий, ижтимоий ва маданий ҳаётида рўй бераётган, ҳуқуқий демократик давлат ва очик фуқаролик жамиятини шакллантириш, мустақил оммавий ахборот воситаларини ривожлантириш, инсон ҳуқуқлари ва эркинликларини ҳимоя қилишга қаратилган демократик ўзгаришлар тўғрисида кенг хабардор қилиш;

аҳолининг таълим ва маданий савиясини ошириш, миллий анъаналарни, тарихий ва маънавий меросни сақлаб қолиш, фуқароларнинг онгида демократик қадриятларни шакллантириш, ёшлар ва ўсиб келаётган авлодни ватанпарварлик, Ватанга

* 1-илова рус тилидаги матнда берилган.

муҳаббат ва умуминсоний кадриятларни хурмат қилиш руҳида тарбиялашга йўналтирилган теле- ва радиодастурлар сифатини, профессионал ва бадий даражасини таъминлаш;

Ўзбекистон МТРК телерадиоканаллари, таркибий бўлинмалари фаолиятининг устувор йўналишларини белгилаш, уларнинг иқтисодий мустақиллигини, ахборот хизматлари бозоридаги рақобатбардошлигини таъминлаш, теле-радио кўрсатув ва эшиттиришларини ташкил қилиш жараёнига бозор механизмларини тадбиқ этиш, ушбу соҳага мамлакатимиз ҳамда чет эл корхоналари, ташкилотлари ва молия институтларининг сармояларини жалб қилиш;

замонавий талаблар ҳамда стандартларга мувофиқ техника базасини янада ривожлантириш, телерадиодастурлар тайёрлашга ахборот, компьютер ва медиа-технологияларни жорий этиш чора-тадбирларини ишлаб чиқиш ҳамда амалга ошириш;

Ўзбекистон МТРК бўлинмалари ижодий ва техник ходимларининг касб маҳоратини такомиллаштириш, ижодий фаоллигини ошириш мақсадида уларни самарали қайта тайёрлаш, малакасини ошириш учун зарур ташкилий шарт-шароитлар яратиш;

давлат ва нодавлат хорижий телерадиокомпаниялар, ахборот агентликлари, шунингдек халқаро ташкилотлар билан телерадиоэшиттириш соҳасида ахборот алмашиш бўйича самарали халқаро ҳамкорликни амалга ошириш.

3. Белгилаб қўйилсинки:

Ўзбекистон миллий телерадиокомпанияси ҳуқуқ ва мажбуриятлар бўйича Ўзбекистон телерадиокомпаниясининг ҳуқуқий вориси ҳисобланади;

янгидан ташкил қилинган маъмурий, ижодий (телерадиоканаллар), ишлаб чиқариш-техник ва хўжалик тузилмалари, шунингдек Қорақалпоғистон Республикаси ва вилоятлар телерадиокомпаниялари юридик шахс ҳуқуқига эга бўлган мустақил корхона ва ташкилотлар сифатида Ўзбекистон МТРК таркибига киради;

Ўзбекистон МТРК таркибига кирган давлат унитар корхоналарининг фаолияти давлат бюджети маблағлари, хомийлар ва реклама маблағлари, шунингдек, қонунда тақиқланмаган бошқа манбалар ҳисобидан амалга оширилади.

Ўзбекистон миллий телерадиокомпанияси телевидение ва радиода реклама учун бериладиган вақтнинг (кўрсатув ва эшиттиришнинг ҳар бир соати учун 10 фоизгача) пул қўйиладиган нормаларини, шунингдек уни тарқатиш тартибини белгилаб берадиган қонун ҳужжатлари талабларининг телерадиоканаллар, ўзига қарашли ташкилот ва корхоналар томонидан сўзсиз бажарилишини таъминласин.

4. Ўзбекистон телерадиокомпаниясининг «Ёшлар» телеканали ва «Ёшлар» радиоканали негизда «Yoshlar» телерадиоканали» ёпиқ акциядорлик жамияти ташкил қилинсин.

Белгилансинки:

«Yoshlar» телерадиоканали» ёпиқ акциядорлик жамияти акцияларининг 51 фоизи давлат мулки ҳисобланади, 49 фоизи эса Ўзбекистон Республикаси Вазирлар Маҳкамаси томонидан белгиланадиган тартибда юридик шахсларга — Ўзбекистон Республикаси резидентлари учун эркин сотувга қўйилади;

«Yoshlar» телерадиоканали» ЁАЖда акцияларнинг давлат улушини бошқариш ҳуқуқи Ўзбекистон МТРКга топширилади;

«Yoshlar» телерадиоканали» ЁАЖ фаолиятига Васийлик кенгаши раҳбарлик қилади, унинг таркибига Ўзбекистон миллий телерадиокомпаниясининг раиси ҳам киради;

«Yoshlar» телерадиоканали» ЁАЖни бюджетдан молиялаштиришни камайтириш

ва ўзини-ўзи тўла таъминлашга ўтказиш 2010 йилгача (ҳар йили — 20%дан) босқичма-босқич амалга ошириб борилади, мазкур даврда фақат давлат бюджети ҳисобидан молиялаштириладиган корхоналар, муассаса ва ташкилотларга қонунчиликда белгиланган имтиёзлар сақлаб қолинади.

5. Ўзбекистон миллий телерадиокомпаниясининг ушбу Фармон 2-бандида белгиланган энг муҳим вазифалари билан бир қаторда қуйидагилар асосий устувор йўналишлар этиб белгилансин:

«O'zbekiston» телерадиоканали» давлат унитар корхонаси учун:

давлат ҳокимияти органларининг Ўзбекистон Республикаси ички ва ташқи сиёсати соҳасидаги энг муҳим қарорлари, мамлакатни демократлаштириш, янгилаш ва модернизация қилиш бўйича амалга оширилаётган, ҳуқуқий демократик давлатни, очик фуқаролик жамиятини шакллантиришга, инсон ҳуқуқлари ва эркинликларини ҳимоя қилишга йўналтирилган ислохотлардан мамлакат аҳолиси, шунингдек чет эл жамоатчилигини ҳар томонлама ва холис хабардор қилиб бориш;

умумиллий аҳамиятга эга бўлган ижтимоий-сиёсий ва социал муаммолар — иқтисодиёт, қишлоқ хўжалиги, тадбиркорлик, фермерлар ҳаракати, соғлиқни сақлаш, таълим, маданият ҳамда ижтимоий ҳаётнинг бошқа соҳаларини ривожлантириш масалаларини кенг ёритиш;

фуқароларнинг таълим даражасини, сиёсий ва ҳуқуқий маданиятини ошириш, мамлакат ижтимоий-сиёсий ва социал-иқтисодий ҳаётининг энг муҳим йўналишлари бўйича уларнинг ўз фикрини баён қилиши билан боғлиқ муаммоларни кенг муҳокама қилиш, теле- ва радиодастурлар тайёрлаш;

халқимизнинг бой маданий ва маънавий меросини сақлаб қолишга, фольклор-этнографик анъаналарни ривожлантиришга, миллий ҳамда жаҳон адабиёти, мусиқаси, театри, киноси, тасвирий санъатининг энг яхши намуналари билан таништиришга қаратилган муҳим ижтимоий, гуманитар-маърифий телекўрсатув ва радиоэшиттиришларини ташкил қилиш.

«Sport» телерадиоканали» давлат унитар корхонаси учун:

Ўзбекистонда жисмоний тарбия ва спортни қўллаб-қувватлаш ҳамда ривожлантиришга, мамлакатимиз ва чет эллардаги муҳим спорт тадбирларини, республика-миз спортчиларининг ютуқларини ёритишга йўналтирилган телерадио кўрсатув ва эшиттиришларини тайёрлаш, соғлом турмуш тарзини кенг оммалаштириш, болалар спорти ва оилавий спортни оммавий равишда ривожлантириш, жамиятдаги барча ижтимоий гуруҳларнинг талаб ва эҳтиёжларини ҳисобга олган ҳолда, дам олишнинг фаол ва ижтимоий фойдали шакллари ташкил қилиш, оммавий равишда ривожлантиришга, миллий спорт турлари ва халқ ўйинларини қайта тиклаш ҳамда ривожлантиришга бағишланган теле- ва радиодастурларни тайёрлаш;

хорижий телерадиокомпанияларнинг энг яхши дастурларини, шу жумладан жаҳон спорти, олимпия ҳаракати тарихига, халқаро спорт ташкилотлари фаолиятига бағишланган дастурларини олиб кўрсатиш;

республика ва халқаро микёсдаги спорт мусобақаларини тўғридан-тўғри трансляция қилишни ташкил этиш;

«Toshkent» телерадиоканали» давлат унитар корхонаси учун:

Ўзбекистон пойтахти ва Тошкент вилоятининг ижтимоий-сиёсий, ижтимоий-иқтисодий ва маданий ҳаётини, бу ерда содир бўлаётган ижтимоий аҳамиятга молик бошқа катта воқеалар ва тадбирларни ёритиш;

маҳаллий ҳокимият ва ўзини-ўзи бошқариш органларининг мамлакат пойтахтини ижтимоий-иқтисодий ривожлантиришнинг муҳим муаммоларини ҳал этиш, фуқароларнинг сиёсий ва ижтимоий фаоллигини ошириш, уларнинг конституция-

вий ҳуқуқ ва эркинликларини ҳимоя қилиш борасидаги фаолиятини самарали ташкил қилиш масалаларига бағишланган дастурлар тайёрлаш;

Тошкент шаҳри ва Тошкент вилоятининг кўп миллатли аҳолиси манфаатларини ҳисобга олган ҳолда ахборот-гуманитар, ўқув, маданий-маърифий кўрсатув ва эшиттиришларини ташкил қилиш.

«Yoshlar» телерадиоканали» ёпиқ акциядорлик жамияти учун:

мамлакатни демократик янгилаш, инсон ҳуқуқлари ва эркинликларини ҳимоя қилиш, ижтимоий-сиёсий ва социал-иқтисодий ислохотларни амалга ошириш жараёнларида ёшларнинг иштирокини кенг ёритиш;

умуминсоний кадриятларни тарғиб қилиш, йигит ва қизларни халқимизнинг тарихий анъаналари, маънавий кадриятлари, миллий маданиятимиз ва жаҳон цивилизациясининг илғор ютуқлари асосида маънавий-ахлоқий жиҳатдан етук, маърифатли, билимли ҳамда ватанпарварлик руҳида тарбиялаш, мамлакатимиз замонавий ёшларининг ички маънавий дунёсини намоён этишга йўналтирилган телекўрсатув ва радиоэшиттиришлар тайёрлаш;

Ўзбекистон ёшларининг «Камолот» ижтимоий ҳаракати ва бошқа ташкилотлар билан ҳамкорликда ёш авлоднинг фаол ҳаётий позициясини шакллантиришга қаратилган республика ва халқаро миқёсдаги турли теле-, радиофестивалларни ташкил қилиш.

Ўзбекистон МТРКнинг асосий вазифаларини, шунингдек телерадиоканаллар ўртасида теле-, радиоаҳсулот сифатини, бадий ва профессионал савиясини оширишга, аҳолининг хилма-хил ва ишончли ахборотга бўлган эҳтиёжини қондиришга қаратилган дастурлар ва ижодий ғояларнинг соғлом рақобатини ривожлантириш заруратини ҳисобга олган ҳолда, ушбу бандда кўрсатилган устувор йўналишларини муттасил чуқурлаштириб, кенгайтириб ва янгилаб бориш Ўзбекистон МТРКнинг энг муҳим вазифаси деб белгилансин.

6. Ўзбекистон миллий телерадиокомпаниясининг «Respublika teleradiomarkazi» давлат унитар корхонаси давлат мулки ҳисобланувчи ва телерадиотузилмаларга шартнома асосида берилувчи телерадиоаҳсулот ишлаб чиқариш воситалари, энерготаъминот объектлари, узатиш қурилмалари Ўзбекистон МТРКнинг бино ва муҳандислик-техник иншоотларининг асосий фондига эгалик қилувчи ташкилот ҳисобланиши белгилаб қўйилсин.

Қуйидагилар «Respublika teleradiomarkazi» давлат унитар корхонасининг асосий вазифалари этиб белгилансин:

Ўзбекистон телерадиоташкилотларига, уларнинг мулкчилик шаклидан қатъи назар, теле-, радиоаҳсулот ишлаб чиқариш ва эфирга тайёрлаш бўйича, шу жумладан йўлдош тизимларидан, кўчма телевидение ва радиостанциялардан фойдаланган ҳолда шартнома асосида техник, технологик, сервис ва бошқа хизматлар кўрсатиш;

телерадиоаҳсулот ишлаб чиқариш жараёнига дастурларнинг бадий савияси ва сифати юқори бўлишини таъминлайдиган замонавий ахборот, компьютер ва медиатеchnологияларни тадбиқ этиш;

телерадиоаҳсулотлар ишлаб чиқариш моддий-техника базаси, воситалари, узатиш қурилмалари, бинолар ва антенна иншоотларидан фойдаланиш, техник хизмат кўрсатиш, модернизациялаш ва янада ривожлантириш, уларни энергия билан узлуксиз таъминлаш.

Белгилансинки, янги ташкил этилаётган телерадиоканаллар, ижодий бўлинмалар ихтиёрига таҳририят ишини ташкил этиш учун зарур бўлган оргтехника, мебель анжомлари ва бошқа мулк берилади.

7. Ўзбекистон миллий телерадиокомпаниясининг ташкилий тузилмаси ва Низоми 2 ва 3-иловага* мувофиқ тасдиқлансин.

Белгилансинки, Ўзбекистон миллий телерадиокомпанияси Ўзбекистон Республикаси Вазирлар Маҳкамасига ҳисобот беради.

Ўзбекистон МТРК раисига ходимларнинг чекланган сони доирасида ташкилий тузилмага ўзгартишлар киритиш ҳуқуқи берилсин.

8. Ўзбекистон миллий телерадиокомпанияси:

Иқтисодиёт вазирлиги (У. Розикўлов), Молия вазирлиги (С. Раҳимов), Давлат мулкни бошқариш давлат қўмитаси (М. Асқаров) билан биргаликда икки ҳафта муддатда ушбу Фармон талабларига мувофиқ Ўзбекистон телерадиокомпаниясини қайта ташкил этиш ва унинг негизида мустақил телерадиотузилмалар ташкил қилиш Дастурини ишлаб чиқсин ва тасдиқлаш учун Вазирлар Маҳкамасига киритсин;

Ўзбекистон телерадиокомпаниясини қайта ташкил этиш жараёнида телерадио-эшиттириш тизимининг узлуксиз ва сифатли фаолият кўрсатишини таъминласин;

Ўзбекистон телерадиокомпаниясини қайта ташкил этиш учун зарур норматив-ҳуқуқий ҳужжатлар, техник-иқтисодий асосларни тайёрлаш бўйича ишларни ташкил этсин;

Маданият ва спорт ишлари вазирлиги (А. Азизхўжаев), Молия вазирлиги (С. Раҳимов) билан биргаликда икки ой муддатда Ўзбекистон телерадиокомпанияси таркибидаги бадий жамоаларни 4-иловага* мувофиқ меҳнат ҳақи фонди билан бирга белгиланган тартибда Маданият ва спорт ишлари вазирлиги тасарруфига ўтказсин.

9. Маданият ва спорт ишлари вазирлиги (А. Азизхўжаев) вазирлик тизимида Ўзбекистон МТРК томонидан ўтказиладиган бадий жамоалардан иборат Ижодий уюшма ташкил этсин, уларнинг таркиби, ижодий фаолият йўналиши сақлаб қолинсин ва тўлақонли фаолият юритиши учун шарт-шароитлар яратилсин;

Ўзбекистон МТРК билан биргаликда Ижодий уюшма ҳамда Ўзбекистон Миллий телерадиокомпанияси ўртасида ижодий ҳамкорликнинг узоқ муддатли дастури ва ҳар йили тузиладиган шартномалар асосида ушбу Фармоннинг 8-бандида кўрсатилган ижодий жамоаларнинг теле-, радиоканаллардаги чиқишларини таъминласин.

10. Давлат мулкни бошқариш давлат қўмитаси (М. Асқаров) Ўзбекистон миллий телерадиокомпанияси билан биргаликда уч ой муддатда:

Ўзбекистон телерадиокомпаниясининг тақсимот балансларини тайёрласин ва Ўзбекистон миллий телерадиокомпаниясининг янги ташкил этиладиган давлат унитар корхоналарига белгиланган тартибда мулкни топшириш-қабул қилиш ишларини амалга оширсин;

муассислар йиғилишини ўтказиб, мулкни инвентаризация қилсин ва ташкил этилаётган «Yoshlar» телерадиоканали» ёпиқ акциядорлик жамияти низом жамғармасини қонунда белгиланган тартибда шакллантирсин.

11. Молия вазирлиги (С. Раҳимов), Иқтисодиёт вазирлиги (У. Розикўлов) Ўзбекистон Миллий телерадиокомпанияси билан биргаликда Ўзбекистон миллий телерадиокомпаниясини ва унга қаршли тузилмаларни молиялаштириш тартиби ва сметасига, шунингдек ушбу Фармон талабларини ҳисобга олган ҳолда унинг моддий-техника базасини ривожлантириш ва модернизация қилиш инвестиция дастурларига тегишли ўзгартишлар киритсин.

12. 2010 йил 1 январигача бўлган давр мобайнида Ўзбекистон миллий телерадиокомпанияси ва унинг таркибига кирувчи корхона ва ташкилотлар даромад солиғидан, шунингдек импорт қилинадиган ускуна ва материалларга божхона тўловларини тўлашдан (божхона расмийлаштируви йиғимларидан ташқари) озод этил-

* 2—4-иловалар рус тилидаги матнда берилган.

син, бўшайдиган маблағлар уларнинг моддий-техника базасини мустаҳкамлашга йўналтирилсин.

Молия вазирлиги (С. Раҳимов) мазкур имтиёзлар берилиши натижасида олинадиган маблағлардан мақсадли фойдаланилиши устидан қаттиқ назорат ўрнатсин.

13. Ўзбекистон Республикаси Президентининг «Ўзбекистоннинг ижтимоий тараққиётида телевидение ва радионинг ролини ошириш чора-тадбирлари тўғрисида» 1996 йил 7 майдаги ПФ-1462-сонли Фармони ўз кучини йўқотган деб ҳисоблансин.

14. Ўзбекистон Республикаси Адлия вазирлиги (Б. Мустафоев) бир ой муддатда манфаатдор вазирликлар ва идоралар билан биргаликда норматив-ҳуқуқий ҳужжатларга ушбу Фармондан келиб чиқадиган тегишли ўзгартиш ва қўшимчалар киритсин.

15. Ўзбекистон Республикаси Вазирлар Маҳкамаси бир ой муддатда Ўзбекистон миллий телерадиокомпаниясини ташкил этиш ва унинг фаолияти масалалари бўйича қарор қабул қилсин.

16. Мазкур Фармоннинг ижросини назорат қилиш Ўзбекистон Республикаси Бош вазири Ш. Мирзиёев зиммасига юклансин.

Ўзбекистон Республикаси Президенти И. КАРИМОВ

Тошкент ш.,
2005 йил 8 ноябрь,
ПФ-3678-сон

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ҚАРОРИ

339 2006 йилда қишлоқ хўжалиги кооперативлари (ширкатлари)ни фермер хўжаликларига айлантириш чора-тадбирлари тўғрисида

[Кўчирма]

Республикада фермер хўжаликларини жадал ривожлантириш учун зарур шарт-шароитлар яратиш мақсадида, шунингдек зарар кўриб ишлаётган, паст рентабелли ва истикболсиз қишлоқ хўжалиги кооперативлари (ширкатлари)ни фермер хўжаликларига айлантириш Дастурига мувофиқ:

1. Қишлоқ хўжалигида иқтисодий ислохотларни чуқурлаштириш бўйича Республика комиссиясининг Ўзбекистон Республикаси Қишлоқ ва сув хўжалиги вазирлиги, Иқтисодиёт вазирлиги, Қорақалпоғистон Республикаси Вазирлар Кенгаши ва вилоятлар ҳокимликлари билан биргаликда тайёрланган қуйидаги:

1-иловага* мувофиқ, зарар кўриб ишлаётган, паст рентабелли ва истикболсиз қишлоқ хўжалиги кооперативлари (ширкатлари)ни 2006 йилда фермер хўжаликларига айлантириш;

* 1-илова берилмайди.

2-иловага* мувофиқ, 2006 йилда қайта ташкил этиладиган қишлоқ хўжалиги кооперативлари (ширкатлари) ҳудудида ишлаб чиқариш ва бозор инфратузилмаси объектларини барпо этиш тўғрисидаги таклифлари қабул қилинсин.

Қишлоқ хўжалигида иқтисодий ислохотларни чуқурлаштириш бўйича Республика комиссиясига Қорақалпоғистон Республикаси Вазирлар Кенгаши ва вилоятлар ҳокимликлари билан келишилган ҳолда қайта ташкил этиладиган қишлоқ хўжалиги кооперативлари (ширкатлари) рўйхатини кенгайтириш бўйича тегишли ўзгартишлар киритиш ҳуқуқи берилсин.

2. Қорақалпоғистон Республикаси Вазирлар Кенгаши раиси, вилоятлар ва туманлар ҳокимлари, Ўзбекистон Республикаси Қишлоқ ва сув хўжалиги вазирлиги, Фермер хўжаликлари уюшмаси раҳбарлари зиммасига:

1-иловага мувофиқ икки ой муддатда қишлоқ хўжалиги кооперативлари (ширкатлари)ни фермер хўжаликларига айлантиришни Ўзбекистон Республикасининг «Фермер хўжалиги тўғрисида»ги Қонуни талабларига тўла мувофиқ тарзда амалга оширилиши;

фермер хўжаликларини ташкил этишга даъвогарлар ўртасида очик ва ошкора танловлар ўтказилиши, голибларни аниқлашда холислик ва ҳаққонийлик тамойиллари қатъий таъминланиши;

ширкат хўжаликларини тугатиш ишлари қонун ҳужжатларида белгиланган тартибда ўз вақтида ва тўлиқ яқунланиши учун шахсий жавобгарлик юклансин.

3. Вазирлар Маҳкамаси (Ш.М. Мирзиёев) Қорақалпоғистон Республикаси Вазирлар Кенгаши ва вилоятлар ҳокимликлари билан биргаликда:

2006 йилда қайта ташкил этиладиган қишлоқ хўжалиги кооперативлари (ширкатлари) ҳудудида барпо этиладиган ишлаб чиқариш ва бозор инфратузилмаси объектлари 2-иловага қатъий мувофиқ равишда жойлаштирилишини бир ой муддатда аниқласин ва уларни ташкил қилиш устидан назоратни таъминласин;

«Ўздонмахсулот» АК бўлинмалари билан қайта ташкил этиладиган қишлоқ хўжалиги кооперативлари (ширкатлари) ўртасида аввал тузилган шартномаларга тенг ҳажмда давлат эҳтиёжлари учун 2006 йил ҳосилидан бошоқли дон харид қилиш учун янги ташкил этилган фермер хўжаликлари билан шартномалар имзоланишини таъминласин;

1-иловага мувофиқ қишлоқ хўжалиги корхоналарини қайта ташкил этиш натижасида бўшайдиган ходимлар иш билан таъминланишини ташкил этсин.

7. Ўзбекистон Телерадиокомпанияси, Ўзбекистон Матбуот ва ахборот агентлиги, Ўзбекистон Республикаси Қишлоқ ва сув хўжалиги вазирлиги, Фермер хўжаликлари уюшмаси телевидение ва оммавий ахборот воситаларида фермер хўжаликларини ривожлантириш ва уларнинг фаолияти, қишлоқда ишлаб чиқариш ва бозор инфратузилмасини ташкил этиш ҳамда ривожлантириш масалаларини ёритиш бўйича махсус кўрсатув ва рукнлар ташкил этсин.

8. Мазкур қарорнинг ижросини назорат қилиш Ўзбекистон Республикаси Бош вазири Ш.М. Мирзиёев зиммасига юклансин.

Ўзбекистон Республикаси Президенти И. КАРИМОВ

Тошкент ш.,
2005 йил 8 ноябрь,
ПҚ-215-сон

* 2-илова берилмади.

ЎЗБЕКИСТОН RESPUBLIKACASI PREZIDENTINING ҚАРОРИ

340 Ўзбекистон Республикасининг 2006 йилги Инвестиция дастури тўғрисида

Республика иқтисодиётида таркибий ислохотларни янада чуқурлаштириш, корхоналарнинг инвестиция фаолиятини авж олдириш ва ишлаб чиқаришни хусусийлаштириш, модернизациялаш, техник жиҳатдан қайта қуроллантириш ва реконструкция қилиш дастурларини амалга ошириш, ишчи кучи кўп бўлган минтақаларда янги иш жойларини яратиш, Ўзбекистон иқтисодиётини барқарор ва динамик тарзда ривожлантиришга эришиш учун хорижий кредит маблағларидан самарали фойдаланиш мақсадида:

1. Ўзбекистон Республикаси Иқтисодиёт вазирлиги томонидан Молия вазирлиги, Ташқи иқтисодий алоқалар, инвестициялар ва савдо вазирлиги, бошқа манфаатдор вазирликлар, идоралар ва хўжалик бирлашмалари билан биргаликда ишлаб чиқилган Ўзбекистон Республикасининг 2006 йилги Инвестиция дастури асосий параметрлари ҳамда ижтимоий соҳа объектларини фойдаланишга топшириш прогнози 1 ва 2-иловаларга* мувофиқ маъқуллансин. Уларда инвестицияларни иқтисодиётнинг устувор тармоқларини ривожлантиришга, корхоналарни модернизация қилиш ва технологик жиҳатдан янгилашга, ишга тушириладиган объектлар қурилишини ниҳоясига етказиш ва тугалланмаган қурилишлар ҳажмини қисқартиришга жамланиши назарда тутилади.

2. Қуйидагилар тасдиқлансин:

давлат бюджети маблағлари ҳисобидан 2006 йилги марказлаштирилган капитал маблағлар лимитлари 3-иловага мувофиқ*;

бюджетдан ташқари Республика мактаб таълими жамғармаси маблағлари ҳисобидан 2006 йилги марказлаштирилган капитал маблағлар лимитлари 3а-иловага* мувофиқ;

бюджетдан ташқари Республика йўл жамғармаси маблағлари ҳисобидан 2006 ва 2007 йилларда автомобиль йўллари қуриш ҳамда реконструкция қилиш дастурини амалга ошириш учун марказлаштирилган капитал маблағлар лимитлари 4 ва 4а-иловаларга* мувофиқ;

Ўзбекистон Республикаси Ҳукуматининг қафолати билан хорижий кредитларни жалб этган ҳолда амалга ошириладиган 2006 йилги инвестиция лойиҳаларининг аниқ дастури 5-иловага* мувофиқ.

3. Қуйидагилар маъқуллансин:

тўғридан-тўғри хорижий инвестициялар ва кредитларни жалб этган ҳолда амалга ошириладиган 2006 йилги инвестиция лойиҳаларининг аниқ дастури 6-иловага* мувофиқ;

устувор инвестиция таклифларининг йиғма рўйхати 7-иловага* мувофиқ.

4. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари, вазирликлар ва идоралар — буюртмачилар:

2005 йилнинг 1 декабригача Ўзбекистон Республикаси «Давархитектқурилиш» қўмитаси билан биргаликда 2006 йилда янгидан бошланадиган объектлар бўйича танлов савдолари ўтказилишини ҳамда пудрат ташкилотлари билан биргаликда 2006 йилнинг 1 январигача бўлган ҳолатга кўра кейинги йилга ўтувчи объектларнинг қолдиқ қийматини қайта ҳисоблаб чиқишни таъминласинлар;

* 1—7-иловалар берилмайди.

Ўзбекистон Республикаси Молия вазирлиги ва унинг жойлардаги органларига, шунингдек хизмат кўрсатувчи банкларга расмийлаштириш ҳамда молиялашни очиш мақсадида тақдим қилиш учун танлов савдоларининг натижаларига кўра янгидан бошланадиган объектлар бўйича белгиланган муддатларда пудрат шартномалари тузилишини таъминласинлар ва қурилишларнинг титул рўйхатларини тасдиқласинлар;

2005 йилнинг 15 декабригача 2006 йилги қурилишларнинг узил-кесил аниқ рўйхатларини келишиб олиш учун Ўзбекистон Республикаси Иқтисодиёт вазирлиги ва Молия вазирлигига тақдим этсинлар.

5. Ўзбекистон Республикаси Иқтисодиёт вазирлиги Молия вазирлиги билан биргаликда икки ҳафта муддатда объектлар бўйича 2006 йилги қурилишларнинг буюртмачилар томонидан тақдим этилган аниқ рўйхатларини кўриб чиқсин ҳамда Ўзбекистон Республикаси Вазирлар Маҳкамасининг мажлисида муҳокама қилиш ва маъқуллаш учун ўз таклифларини берсин.

6. Ўзбекистон Республикаси Вазирлар Маҳкамаси 2006 йилнинг 1 январигача 2006 йилги инвестиция дастури бўйича қарор қабул қилсин, бунда қурилиши тугалланмаган объектларни қисқартиришга ва маблағларни юқори даражада тайёр ҳолда ишга тушириладиган объектларга жамлашга, уларнинг ўз вақтида фойдаланишга топширилиши учун буюртмачилар ва пудратчиларнинг масъулиятини оширишга алоҳида эътибор қаратсин.

7. Ўзбекистон Республикаси «Давархитектқурилиш» қўмитаси:

лойиҳа ва қурилиш-монтаж ишларининг сифати, шаҳар қурилиши тўғрисидаги қонун ҳужжатларига, шаҳарсозлик нормалари, қоида ва стандартларига инвестиция лойиҳалари амалга ошириладиган давр мобайнида риоя этилиши устидан назоратни амалга оширсин;

танлов савдолари натижалари бўйича тузилган шартнома мажбуриятлари ижроси мониторинги олиб борилишини, марказлаштирилган манбалар ҳисобидан молиялаштириладиган объектлар қурилиши муддатлари ва шартнома мажбуриятлари бажарилиши устидан назорат амалга оширилишини таъминласин.

2006 йилнинг ҳар чораги яқунлари бўйича мониторинг натижалари тўғрисида Ўзбекистон Республикаси Вазирлар Маҳкамасига маълумот бериб турилсин.

8. Хорижий сармоялар иштирокидаги йирик ва муҳим стратегик инвестиция лойиҳаларини амалга ошириш бўйича Мувофиқлаштирувчи кенгашга Ўзбекистон Республикаси Иқтисодиёт вазирлиги, Молия вазирлиги ҳамда Ташқи иқтисодий алоқалар, инвестициялар ва савдо вазирлигининг қўшма тақдимномаси бўйича 2006 йил мобайнида тасдиқланган Инвестиция дастурининг умумий параметрлари доирасида инвестиция лойиҳаларининг аниқ дастурига ва айрим буюртмачилар бўйича капитал маблағлар лимитларига аниқликлар киритиш, шу жумладан инвестиция лойиҳаларини йиғма рўйхатдан аниқ дастур қисмига ёки аниқ дастурдан йиғма рўйхатга ўтказиш ҳуқуқи;

Ўзбекистон Республикаси Иқтисодиёт вазирлигига Молия вазирлиги билан келишилган ҳолда тасдиқланган лимитлар доирасида ўтказилган танлов савдолари ҳамда айрим қурилиш ва объектлар бўйича маблағларнинг амалда ўзлаштирилишини ҳисобга олган ҳолда буюртмачилар қурилишларининг аниқ рўйхатига ўзгартишлар киритиш ҳуқуқи берилсин.

9. Белгилансинки, марказлаштирилган капитал маблағлар ҳисобидан бажариладиган инвестиция лойиҳаларини амалга ошириш жараёнида лойиҳа ёки эксперт ташкилотининг айби билан йўл қўйилган қўшимча ҳажмдаги иш ва харажатлар аниқланган тақдирда мазкур лойиҳани ишлаб чиқиш ёки экспертизадан ўтказиш

учун тўланган пулнинг ҳаммаси ана шу ташкилотлардан давлат бюджети даромадига олиб қўйилиши лозим.

10. Ўзбекистон Республикаси Монополиядан чиқариш, рақобат ва тадбиркорликни қўллаб-қувватлаш давлат қўмитаси «Давархитектқурилиш» қўмитаси ва Молия вазирлиги билан биргаликда марказлаштирилган капитал маблағлар ҳисобидан амалга ошириладиган капитал қурилишда нархларнинг шакллантирилиши устидан доимий назорат ўрнатсин ва бажарилаётган ишларнинг натижаларини ҳар чоракда Вазирлар Маҳкамасига тақдим этиб турсин.

11. Ушбу қарорнинг ижросини назорат қилиш Ўзбекистон Республикаси Бош вазирининг ўринбосарлари В.А. Голишев ва Н.М. Ханов зиммаларига юклансин.

Ўзбекистон Республикаси Президенти И. КАРИМОВ

Тошкент ш.,
2005 йил 8 ноябрь,
ПҚ-216-сон

УЧИНЧИ БЎЛИМ

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

341 Айрим республика комиссиялари ва кенгашлари таркибига ўзгартиришлар киритиш тўғрисида

[Кўчирма]

Ўзбекистон Республикаси Президентининг «Ўзбекистон Республикаси Вазирлар Маҳкамасининг ижро этувчи тузилмасига қисман ўзгартиришлар киритиш тўғрисида» 2005 йил 25 июлдаги ПҚ–131-сон қарорига мувофиқ ҳамда республика комиссиялари ва кенгашлари фаолиятини янада такомиллаштириш мақсадида Вазирлар Маҳкамаси **қарор қилади:**

1. Ўзбекистон Республикаси Ҳукуматининг 1-иловага* мувофиқ айрим қарорларига ўзгартириш ва қўшимчалар киритилсин.
2. Ҳукуматнинг 2-иловага мувофиқ айрим қарорлари ўз кучини йўқотган деб ҳисоблансин.
5. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосарлари зиммасига юклансин.

Ўзбекистон Республикасининг Бош вазири Ш. МИРЗИЁЕВ

Тошкент ш.,
2005 йил 7 ноябрь,
244-сон

Вазирлар Маҳкамасининг
2005 йил 7 ноябрдаги 244-сон қарорига
2-ИЛОВА

Ўзбекистон Республикаси Ҳукуматининг ўз кучини йўқотган қарорлари рўйхати

1. Вазирлар Маҳкамасининг «1999 йилда давлат эҳтиёжлари учун озиқ-овқат маҳсулотларининг асосий турларини харид қилиш тўғрисида» 1999 йил 9 январдаги 10-сон қарорининг 4-банди.
2. Вазирлар Маҳкамасининг «Кичик ва хусусий тадбиркорликни ривожлантиришни рағбатлантириш бўйича республика мувофиқлаштирувчи кенгаши фаолиятини фаоллаштириш тўғрисида» 2000 йил 17 февралдаги 57-сон қарорининг 2 ва 3-бандлари.
3. Вазирлар Маҳкамасининг «Корхоналар банкротлиги ва санацияси масалалари бўйича Ҳукумат комиссияси тўғрисидаги низомни тасдиқлаш ҳақида» 2003 йил

* 1-илова берилмайди.

30 июндаги 294-сон қарори (Ўзбекистон Республикаси ҚТ, 2003 й., 6-сон, 53-модда).

4. Вазирлар Маҳкамасининг «Ер қаъри участкаларидан фойдаланиш шартларини ишлаб чиқиш ва махсулот тақсимотига оид битимлар лойиҳаларини кўриб чиқиш бўйича махсус давлат комиссиясининг таркиби тўғрисида» 2003 йил 30 июндаги 295-сон қарорига 1-илова (Ўзбекистон Республикаси ҚТ, 2003 й., 6-сон, 52-модда).

5. Вазирлар Маҳкамасининг «Республика комиссиялари ва кенгашлари таркибини тасдиқлаш тўғрисида» 2004 йил 26 июлдаги 358-сон қарорига 22-илова.

6. Вазирлар Маҳкамасининг «Осиё тараққиёт банки иштирокида «Дон экинлари ҳосилдорлигини ошириш» лойиҳасини амалга ошириш чора-тадбирлари тўғрисида» 2004 йил 21 октябрдаги 492-сон қарори 2-бандининг учинчи—бешинчи хатбоши ҳамда қарорга 3-илова.

7. Вазирлар Маҳкамасининг «Осиё тараққиёт банки иштирокида «Аму-Занг машина канали тизимини тиклаш» лойиҳасини амалга ошириш чора-тадбирлари тўғрисида» 2004 йил 22 октябрдаги 494-сон қарори 2-бандининг учинчи хатбоши, 5-банди ҳамда қарорга 4-илова.

8. Вазирлар Маҳкамасининг «Ўзбекистон Республикаси Ҳукуматининг айрим қарорларини ўз кучини йўқотган деб ҳисоблаш ҳамда баъзиларига ўзгартиришлар киритиш тўғрисида» 2005 йил 22 февралдаги 73-сон қарорига 2-илова 17-бандининг иккинчи хатбоши, 36-бандининг ўн олтинчи, ўн саккизинчи, йигирма иккинчи ва йигирма олтинчи хатбоши (Ўзбекистон Республикаси ҚТ, 2005 й., 2-сон, 13-модда).

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

342 Ўзбекистон Республикаси Ҳукуматининг айрим қарорларини ўз кучини йўқотган деб ҳисоблаш тўғрисида (Ўзбекистон Республикаси Президентининг «Экспорт-импорт операцияларини тартибга солишга доир қўшимча чора-тадбирлар тўғрисида» 2005 йил 19 сентябрдаги ПҚ–183-сон қарори)

Ўзбекистон Республикаси Президентининг «Экспорт-импорт операцияларини тартибга солишга доир қўшимча чора-тадбирлар тўғрисида» 2005 йил 19 сентябрдаги ПҚ–183-сон қарорига мувофиқ Вазирлар Маҳкамаси **қарор қилади:**

Қуйидагилар:

Вазирлар Маҳкамасининг «Ижтимоий аҳамиятга эга бўлган истеъмол товарлари билан савдо қилишни тартибга солишга доир қўшимча чора-тадбирлар тўғрисида» 2001 йил 31 октябрдаги 433-сон қарорининг (Ўзбекистон Республикаси ҚТ, 2001 й., 10-сон, 61-модда) 3-банди;

Вазирлар Маҳкамасининг «Ўзбекистон Республикаси Ҳукуматининг айрим

қарорларига ўзгартириш ва қўшимчалар киритиш тўғрисида» 2004 йил 13 апрелдаги 174-сон қарорига илованинг 2-банди ўз кучини йўқотган деб ҳисоблансин.

Ўзбекистон Республикасининг Бош вазири Ш. МИРЗИЁЕВ

Тошкент ш.,
2005 йил 10 ноябрь,
246-сон

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

343 Озонни бузувчи моддаларни ва таркибида улар мавжуд бўлган маҳсулотларни Ўзбекистон Республикасига олиб киришни ва Ўзбекистон Республикасидан олиб чиқишни тартибга солишни такомиллаштириш тўғрисида

Озонни бузувчи моддалардан фойдаланишни тўхтатиш миллий дастурини амалга оширишга йўналтирилган Озонни бузувчи моддаларни ва таркибида улар мавжуд бўлган маҳсулотларни Ўзбекистон Республикасига олиб киришни ва Ўзбекистон Республикасидан олиб чиқишни такомиллаштириш ва давлат томонидан бошқариш чора-тадбирларини тартибга солиш мақсадида, шунингдек Товарларни тавсифлаш ва кодлаштиришнинг уйғунлаштирилган тизимига (2002 йилги версия) асосланган Ташқи иқтисодий фаолият товар номенклатурасига мувофиқ Вазирлар Маҳкамаси **қарор қилади:**

1. Қуйидагилар:

Ўзбекистон Республикасига олиб кириш ва Ўзбекистон Республикасидан олиб чиқиш Ўзбекистон Республикаси Давлат табиатни муҳофаза қилиш қўмитаси томонидан бериладиган рухсатномалар бўйича амалга ошириладиган Озонни бузувчи моддалар рўйхати 1-иловага* мувофиқ;

Агар таркибида озонни бузувчи моддалар бўлса Ўзбекистон Республикасига олиб кириш ва Ўзбекистон Республикасидан олиб чиқиш Ўзбекистон Республикаси Давлат табиатни муҳофаза қилиш қўмитаси томонидан бериладиган рухсатномалар бўйича амалга ошириладиган маҳсулотлар рўйхати 2-иловага* мувофиқ;

Озонни бузувчи моддаларни ва таркибида улар мавжуд бўлган маҳсулотларни Ўзбекистон Республикасига олиб кириш ва Ўзбекистон Республикасидан олиб чиқиш тартиби тўғрисидаги низом 3-иловага* мувофиқ;

2005—2030 йиллар даврида озонни бузувчи моддаларни Ўзбекистон Республикасига олиб киришга квоталар 4-иловага* мувофиқ тасдиқлансин.

2. 1985 йилги Озон қатламини ҳимоя қилиш тўғрисидаги Вена конвенцияси ва 1987 йилги Озон қатламини бузувчи моддалар бўйича Монреаль протоколи Томонлари ҳисобланган мамлакатлардан:

5-иловага* мувофиқ озонни бузувчи моддаларни;

* 1—5-иловалар рус тилидаги матнда берилган.

мазкур қарорга 1 ва 5-иловаларнинг А рўйхати I гуруҳида кўрсатилган озонни бузувчи моддалардан фойдаланиладиган совутгич ускуналари ва ҳаво ҳароратини бирхиллаштирувчи қурилмаларни Ўзбекистон Республикасига олиб кириш тақиқлансин.

3. Вазирлар Маҳкамасининг «Озон қатламини ҳимоя қилиш соҳасидаги шартномалар бўйича Ўзбекистон Республикасининг халқаро мажбуриятларини бажариш чора-тадбирлари тўғрисида» 2000 йил 24 январдаги 20-сон қарорига 6-иловага мувофиқ ўзгартиришлар киритилсин.

4. Вазирлар Маҳкамасининг «Озонни бузувчи моддаларни ва таркибида улар мавжуд бўлган маҳсулотларни Ўзбекистон Республикасига олиб киришни ва Ўзбекистон Республикасидан олиб чиқишни тартибга солиш тўғрисида» 2000 йил 14 мартдаги 90-сон қарори (Ўзбекистон Республикаси ҚТ, 2000 й., 3-сон, 12-модда) ўз кучини йўқотган деб ҳисоблансин.

5. Мазкур қарорнинг бажарилишини назорат қилиш Иқтисодиёт ва ташқи иқтисодий алоқалар масалалари йиғма ахборот-таҳлил департаментига ҳамда Қишлоқ ва сув хўжалиги, қишлоқ хўжалиги маҳсулотларини қайта ишлаш ҳамда истеъмол товарлари масалалари ахборот-таҳлил департаментига юклансин.

Ўзбекистон Республикасининг Бош вазири Ш. МИРЗИЁЕВ

Тошкент ш.,
2005 йил 11 ноябрь,
247-сон

БЕШИНЧИ БЎЛИМ

ЎЗБЕКИСТОН РЕСПУБЛИКАСИ ҚИШЛОҚ ВА
СУВ ХЎЖАЛИГИ ВАЗИРИНИНГ
БҮЙРУҒИ

344 **Топширилган пахта ҳосилидан фермер ва бошқа қишлоқ хўжалиги корхоналарига тегишли бўлган пахта истеъмол ёғи, шелуха ва кунжарани етказиб бериш тартиби тўғрисидаги низомни тасдиқлаш ҳақида**

*Ўзбекистон Республикаси Адлия вазирлиги томонидан 2005 йил
7 ноябрда 1519-сон билан давлат рўйхатидан ўтказилди*

(2005 йил 17 ноябрдан кучга киради)

Ўзбекистон Республикаси Вазирлар Маҳкамасининг 2003 йил 19 февралдаги 93-сонли қарори ижросини таъминлаш мақсадида ҳамда Ўзбекистон Республикаси Вазирлар Маҳкамасининг 2003 йил 28 июндаги 290-сон қарори билан тасдиқланган «Ўзбекистон Республикаси Қишлоқ ва сув хўжалиги вазирлиги тўғрисида»ги низомга асосан, **буюраман:**

1. Топширилган пахта ҳосилидан фермер ва бошқа қишлоқ хўжалиги корхоналарига тегишли бўлган пахта истеъмол ёғи, шелуха ва кунжарани етказиб бериш тартиби тўғрисидаги Низом иловага мувофиқ тасдиқлансин.

2. Чорвачилик, паррандачилик ва балиқчиликни ривожлантириш бош бошқармаси (О. Ибрагимов), Қишлоқ хўжалиги корхоналарини таркибий ўзгартириш ва фермер хўжалиklarини ривожлантириш бошқармаси (Ғ. Исомиддинов), Иқтисодий ислохотларни норматив-методик базасини такомиллаштириш бошқармаси (Ш. Қаршиев) 3 кун муддат ичида мазкур буйруқни Адлия вазирлигига давлат рўйхатидан ўтказиш учун тақдим қилсинлар ва расмийлаштирилгандан сўнг қўлланма учун жойларга етказилишини таъминласинлар.

3. Мазкур буйруқ Адлия вазирлигида давлат рўйхатидан ўтказилган кундан бошлаб 10 кун ўтгандан сўнг кучга киради.

4. Мазкур буйруқ кучга киритилган вақтдан бошлаб Ўзбекистон Республикаси Қишлоқ ва сув хўжалиги вазирлигининг 2003 йил 6 июндаги «Пахта хом ашёсини саноат йўли билан қайта ишлаш натижасида олинадиган пахта истеъмол ёғи, шелуха ва кунжарани хўжаликларга қайтариш тартиби ҳақида низом»ни тасдиқлаш тўғрисидаги 89-сонли буйруғи (2003 йил 11 июнь, рўйхат рақами 1249 — Меъёрий ҳужжатлар ахборотномаси, 2003 йил июнь, 11-сон) ўз кучини йўқотган деб ҳисоблансин.

5. Ушбу буйруқнинг бажарилишини назорат қилиш вазирнинг биринчи ўринбосари А.Жўраев зиммасига юклатилсин.

Қишлоқ ва сув хўжалиги вазири С. ИСМОИЛОВ

Тошкент ш.,
2005 йил 6 ноябрь,
223-сон

Қишлоқ ва сув хўжалиги вазирининг
2005 йил 6 ноябрдаги 223-сонли
буйруғи билан
ТАСДИҚЛАНГАН

**Топширган пахта ҳосилидан фермер ва бошқа қишлоқ хўжалиги
корхоналарига тегишли бўлган пахта истеъмол ёғи, шелуха ва
кунжарани етказиб бериш тартиби тўғрисида
НИЗОМ**

Ушбу Низом Ўзбекистон Республикаси Вазирлар Маҳкамасининг 2003 йил 19 февралдаги 93-сонли қарорига мувофиқ пахта етиштирувчи фермер хўжаликлари ҳамда бошқа қишлоқ хўжалик корхоналари таркибидаги ички хўжалик бўлинмаларига (келгусида — пудратчи ва бошқа бўлинма) пахта истеъмол ёғи, шелуха ва кунжара (келгусида ёғ-мой маҳсулотлари)ни етказиб бериш тартибини белгилайди.

1. Пахта етиштирувчи хўжаликлар томонидан амалда сотилган пахтани қайта ишлашдан ҳосил бўлган ўсимлик мойининг 50 фоизи, кунжара ва пахта шелухасининг 70 фоизи улар ихтиёрида қолади.

2. Ёғ-мой корхоналари туман ҳокимлиги билан келишган ҳолда ҳар бир туманда фермер ва бошқа қишлоқ хўжалиги корхоналарининг сони, ҳудудий жойлашувидан келиб чиққан ҳолда ёғ-мой маҳсулотлари етказиб бериш учун бир ёки бир нечта шохобчалар очади.

3. «Ёғмойтамакисаноат уюшмаси «Ўзпахтасаноат» уюшмасининг ҳудудий бирлашмалари билан биргаликда пахта тозалаш корхоналарини техник чигит етказиб бериш бўйича ёғ-мой корхоналарига бириктириш дислокациясини тузади.

4. Пахтани қайта ишлаш корхоналари фермер ва ширкат хўжаликлари томонидан контрактация шартномалари бўйича етиштирилган пахта хом ашёси ва ундан олинадиган техник чигит (уруғлик пахтадан ташқари) миқдори кўрсатилган реестрни (рўйхатни) 10 ноябрга қадар вилоят «Пахтасаноат» акциядорлик бирлашмасига тақдим этади. Вилоят «Пахтасаноат» акциядорлик бирлашмаси умумлаштирилган реестрни (рўйхатни) ва техник чигитни юклаб жўнатиш жадвалини 15 ноябрга қадар тегишли ёғ-мой корхоналарига тақдим этади.

5. Ширкат хўжаликлари 5 ноябрга қадар хўжаликдаги пудратчи ва бошқа бўлинмалар бўйича, сотилган пахта хом ашёси (уруғлик пахтадан ташқари) миқдори кўрсатилган рўйхатни пахтани қайта ишлаш корхонасига тақдим этади. Пахтани қайта ишлаш корхоналари ушбу рўйхат бўйича етиштирилган пахта хом ашёсидан олинган техник чигит миқдори кўрсатилган ҳолдаги реестрни 10 ноябрга қадар вилоят «Пахтасаноат» акциядорлик бирлашмасига тақдим этади. Вилоят «Пахтасаноат» акциядорлик бирлашмаси умумлаштирилган реестрни (рўйхатни) ва техник чигитни юклаб жўнатиш жадвалини 15 ноябрга қадар тегишли ёғ-мой корхоналарига тақдим этади.

6. Пахтасаноат акциядорлик бирлашмаси томонидан берилган умумлаштирилган реестр (рўйхат) якуний бўлиб, ёғ мой маҳсулотларини хўжаликларга етказиб бериш бўйича ёғ-мой корхоналарига шартномани тузиш учун асос ҳисобланади.

7. Ёғ-мой корхоналари 1 декабргача фермер хўжаликлари ва бошқа қишлоқ хўжалик корхоналари билан шартномалар тузади.

8. Фермер ва бошқа қишлоқ хўжалиги корхоналарига истеъмол ёғи, шелуха ва кунжара маҳсулотларини етказиб бериш юзасидан шартномани тузиш ва маҳсулот учун зарур бўлган барча ҳужжатларни расмийлаштириш шохобчаларда амалга оширилади.

9. Фермер ва бошқа қишлоқ хўжалиги корхоналари пахта истеъмол ёғи, шелуха ва кунжара маҳсулотларини олишни рад этишга ёки бир турдаги маҳсулот олишни рад этиб, ўзига тегишли бошқа турдаги маҳсулотни олишга ҳақлидир. Бунда тегишли фермер ва бошқа қишлоқ хўжалиги корхоналарининг раҳбарларининг имзоси ва муҳри билан тасдиқланган ёзма розилик хатларига асосан, олинмаган маҳсулот туман қишлоқ ва сув хўжалиги бўлими, туман фермер хўжаликлари уюшмаси вакиллиги ва туман ҳокими билан келишилган ҳолда белгиланган нархларда бошқа харидорларга (биринчи галда туман аҳолисига нақд пулга) сотилади.

10. Пахтани қайта ишлаш корхоналаридан техник чигитни ёғ-мой корхоналарига жўнатиш ҳудудий «Пахтасаноат» акциядорлик бирлашмаси, пахтани қайта ишлаш ҳамда ёғ-мой корхоналари ўртасида тузилган шартномаларга ҳамда унга илова қилинган юклаб жўнатиш жадвалига асосан амалга оширилади.

11. Ёғ-мой корхоналари тузилган шартномага асосан олиннадиган техник чигит учун олдиндан пул ўтказиш йўли билан ҳисоб-китоб қилади.

Пахтани қайта ишлаш корхоналари ишлаб чиқарилган жами техник чигитни ёғ-мой корхоналарига тўлиқ ҳажмда жўнатишлари шарт.

12. Ёғ-мой корхоналарига юборилаётган техник чигитнинг ҳамда уни қайта ишлаш натижасида ҳосил бўлган ва қайтариб берилаётган пахта истеъмол ёғи, шелуха ва кунжаранинг сифат кўрсаткичлари давлат стандартлари ва техник шартлари талабларига мос бўлиши зарур.

Қайта ишлаш учун юборилаётган техник чигитга, шунингдек қайтариб берилаётган пахта истеъмол ёғи, шелуха ва кунжарага уларнинг мувофиқлик сертификати илова қилиниши шарт.

13. Етказиб берилиши лозим бўлган пахта истеъмол ёғи, шелуха ва кунжаранинг шартномада кўрсатиладиган ҳажми, ушбу маҳсулотлар чиқишининг сўнги уч йиллик ўртача кўрсаткичлари асосида белгиланиши мумкин. Ёғ-мой корхоналари корхонадаги уч йиллик ўртача кўрсаткичлар тўғрисида вилоят Қишлоқ ва сув хўжалиги бошқармаси ҳамда фермер хўжаликлари уюшмасининг вилоят вакиллигига маълумот тақдим қилади.

Олувчи талабига асосан шартномада кўрсатилган маҳсулотларнинг чиқиш ҳажмлари, техник чигитни қайта ишланган даврдаги ёғ-мой корхонасининг ҳақиқий кўрсаткичлари асосида қайта аниқланиши мумкин.

14. Фермер хўжаликлари ва бошқа қишлоқ хўжалик корхоналарига тегишли бўлган ёғ-мой маҳсулотлари ҳақи белгиланган тартибда олиннадиган маҳсулот ҳажмига олдиндан пул ўтказиш йўли билан тўлов амалга оширилгандан ёки товарларнинг етказиб бериладиган ҳар бир туркуми учун чақириб олинмайдиган аккредитив қўйилгандан сўнг шохобчалар орқали берилади.

Фермер хўжаликлари ва бошқа қишлоқ хўжалик корхоналарининг топшириғига биноан ёки ишончномалари бўйича уларга етказиб бериладиган пахта истеъмол ёғи, шелуха ва кунжарани бошқа хўжалик юритувчи субъектларга сотилиши тақиқланади.

15. Ширкат хўжалиги томонидан олинадиган ёғ-мой маҳсулотлари оилавий пудратчи ва бошқа хўжалик бўлинмаларига тўлиқ равишда етказиб берилади.

16. Ёғ-мой маҳсулотларини сотиш баҳоси, маҳсулотни келтириш билан боғлиқ транспорт харажатлари қўшилган ҳолда ҳисобланади. Ёғ-мой маҳсулотларини сотиш баҳосига бошқа харажатлар ва фойдани қўшишга йўл қўйилмайди.

17. Фермер ва бошқа қишлоқ хўжалик корхоналари ушбу Низомда ва тузилган шартномаларда белгиланган миқдордаги ҳақни тўланганлигини тасдиқловчи тўлов ҳужжатини тақдим этгандан кейин 1 кунлик муддат ичида хўжаликлар берилган ишончномага асосан шохобчалардан тегишли маҳсулотларни оладилар.

Маҳсулот олиш учун бошқа ҳужжатлар ёки турли розиликлар (имзолар) талаб қилиниши қатъиян ман этилади.

Ҳисоб рақамида маблағи бўлмаган ширкат хўжаликларининг пудратчи ва бошқа ички хўжалик бўлинмаларига тегишли бўлган ёғ-мой маҳсулотлари шохобчаларда нақд пулга ўрнатилган тартибда сотилади.

Ширкат хўжаликлари томонидан хўжаликдаги пудратчи ва бошқа бўлинмалар бўйича, сотилган пахта хом ашёси (уруғлик пахтадан ташқари) миқдори кўрсатилган, ёғ-мой корхонасига тақдим этилган рўйхат ёғ-мой маҳсулотларини пудратчи ва бошқа бўлинмаларига сотиш учун асос ҳисобланади. Бунда улардан маҳсулот олиш учун бошқа ҳужжатлар ёки турли розиликлар (имзолар) талаб қилиниши қатъиян ман этилади.

18. Фермер ва бошқа қишлоқ хўжалиги корхоналари ёғ-мой маҳсулотларини Низомнинг 2-банди билан кўзда тутилган дислокацияга мувофиқ тўғридан-тўғри ёғ-мой корхоналаридан олишлари мумкин.

19. Фермер хўжалиklarига ёғ-мой маҳсулотларини етказиб берилиши бўйича туман фермер хўжаликлари уюшмаси томонидан, ширкат хўжаликлари ва бошқа қишлоқ хўжалиги корхоналарига маҳсулотларнинг етказиб берилиши бўйича туман қишлоқ ва сув хўжалиги бўлими томонидан мониторинг юритилади ва ушбу ҳақда ҳар 15 кунда тегишли юқори ташкилотга маълумот тақдим этиб борилади.

20. Мазкур Низом Иқтисодиёт вазирлиги, «Ёғмойтамакисаноат», «Ўзпахтасаноат» ҳамда Ўзбекистон фермер хўжаликлари уюшмалари билан келишилган.

Иқтисодиёт вазири ўринбосари А. САЛИМОВ

Тошкент ш.,
2005 йил 28 октябрь

«Ёғмойтамакисаноат» уюшмаси раиси М. ХУДОЁРОВ

Тошкент ш.,
2005 йил 28 октябрь

«Ўзпахтасаноат» уюшмаси раиси Э. ЗИКРИЁЕВ

Тошкент ш.,
2005 йил 28 октябрь

Ўзбекистон фермер хўжаликлари уюшмаси раиси С. ҚОБИЛОВ

Тошкент ш.,
2005 йил 28 октябрь

ЎЗБЕКИСТОН RESPUBLIKACИ MАРКАЗИЙ БАНКИ БОШҚАРУВИНИНГ
ҚАРОРИ**345** Тижорат банклари томонидан ширкат ва фермер хўжаликларига уларга тегишли пахта ёғи, шрот ва шелухани ёғ-мой корхоналари ва уларнинг шохобчаларидан ўз вақтида харид килишлари учун кредит бериш тартиби тўғрисида низомни тасдиқлаш ҳақида

*Ўзбекистон Республикаси Адлия вазирлиги томонидан 2005 йил
7 ноябрда 1520-сон билан давлат рўйхатидан ўтказилди*

(2005 йил 17 ноябрдан кучга киради)

Ўзбекистон Республикасининг «Банклар ва банк фаолияти тўғрисида»ги Қонуни ҳамда Ўзбекистон Республикаси Вазирлар Маҳкамасининг 2005 йил 18 октябрдаги 03-4-124-сонли Мажлис баёнига мувофиқ Марказий банк Бошқаруви **қарор қилади:**

1. Тижорат банклари томонидан ширкат ва фермер хўжаликларига уларга тегишли пахта ёғи, шрот ва шелухани ёғ-мой корхоналари ва уларнинг шохобчаларидан ўз вақтида харид килишлари учун кредит бериш тартиби тўғрисида низом иловага мувофиқ тасдиқлансин.

2. Ушбу қарор Ўзбекистон Республикаси Адлия вазирлигида давлат рўйхатига олинган кундан ўн кун ўтгач амалга киритилсин.

Марказий банк Бошқаруви раиси Ф. МУЛЛАЖОНОВ

Тошкент ш.,
2005 йил 22 октябрь,
23/9-сон

Марказий банк Бошқаруви томонидан
2005 йил 22 октябрда 23/9-сон билан
ТАСДИҚЛАНГАН

**Тижорат банклари томонидан ширкат ва фермер хўжаликларига
уларга тегишли пахта ёғи, шрот ва шелухани ёғ-мой
корхоналари ва уларнинг шохобчаларидан ўз вақтида харид
қилишлари учун кредит бериш тартиби тўғрисида
НИЗОМ**

Мазкур Низом Ўзбекистон Республикасининг «Банклар ва банк фаолияти тўғрисида»ги Қонуни ҳамда Ўзбекистон Республикаси Вазирлар Маҳкамасининг 2005 йил 18 октябрдаги 03-4-124-сонли Мажлис баёнига мувофиқ ишлаб чиқилган бўлиб, ширкат ва фермер хўжаликларига уларга тегишли пахта ёғи, шрот ва шелухани ёғ-мой корхоналарининг шохобчаларидан ўз вақтида харид қилишлари учун кредит бериш тартибини белгилайди.

I. Умумий қоидалар

1. Ушбу кредитлар тижорат банклари томонидан ширкат ва фермер хўжаликларига уларга тегишли пахта ёғи, шрот ва шелухани ёғ-мой корхоналарининг шохобчаларидан ўз вақтида харид қилишлари учун қайтаришлик, тўловлилик, таъминланганлик, муддатлилик ва мақсадли фойдаланиш шартлари асосида берилади.

2. Тижорат банклари ушбу кредитларни қарз олувчиларга шартнома асосида 90 кунгача бўлган муддатга берадилар. Кредитлар мижознинг асосий талаб қилиб олингунча депозит ҳисобварағи жойлашган манзил бўйича берилади. Ушбу кредитларни иккиламчи талаб қилиб олингунча депозит ҳисобварағи очилган банк томонидан берилишига рухсат берилмайди.

3. Кредитлардан фойдаланганлик учун фоиз ставкалари миқдори қарз олувчи ва банк ўртасидаги ўзаро келишувга кўра кредит шартномаси асосида белгиланади.

4. Кредит суммаси ширкат ва фермер хўжаликларига улар контрактация шартномаси асосида тайёрлов корхонасига сотган пахта хом ашёсидан олинган ва ушбу хўжаликларга ажратилган пахта ёғи, шрот ва шелуха суммасидан ошмаган миқдорни ташкил этади.

5. Кредитлар тижорат банкларининг ўз кредит ресурслари ҳисобидан берилди.

II. Кредитларни расмийлаштириш тартиби

6. Ширкат ва фермер хўжаликлари кредит олиш учун уларнинг асосий талаб қилиб олингунча депозит ҳисобварағига хизмат кўрсатаётган банкка ариза билан мурожаат этадилар.

Аризага қуйидаги ҳужжатлар илова қилинади:

тайёрлов ташкилотлари билан тузилган контрактация шартномалари нусхалари;

дебитор-кредитор қарзлар тўғрисида маълумотнома (2а-шакл), молиявий натижалар тўғрисида ҳисобот (2-шакл);

кредит қайтарилиши таъминоти тўғрисидаги ҳужжат.

7. Олинган кредитни қайтармаслик хатарининг олдини олиш мақсадида қарз

олувчи тез ва эркин сотилиш талабларига жавоб берадиган таъминотга эга бўлиши керак. Қарз олувчилар банкка қуйидаги таъминот турларидан бирини тақдим этишлари мумкин:

- мулк ёки қимматли қоғозлар гарови;
- банк ёки суғурта ташкилоти кафолати;
- учинчи шахснинг кафиллиги;

суғурта компаниясининг қарз олувчининг кредитни қайтара олмаслик хатарини суғурта қилингани тўғрисидаги суғурта полиси;

8. Банклар, ўзлари билан доимий алоқага эга бўлган, банк ҳисоб рақамида мунтазам пул оқими мавжуд, яхши обрў ва кредит тарихига эга қарз олувчиларга, мазкур Тартибнинг 7-бандида кўрсатилган таъминотни талаб қилмай, ишончли кредит бериш ҳуқуқига эгадирлар.

9. Кредитларни қайтарилиш таъминоти шаклларида бири сифатида мол-мулк гарови хизмат қилади. Ўзбекистон Республикасининг «Гаров тўғрисида»ги Қонунига мувофиқ, муомаладан чиқарилган буюмлардан ташқари, ҳар қандай мулк гаров предмети бўлиши мумкин.

10. Кредит сўраб, мазкур Тартибнинг 6-бандида кўрсатилган барча зарур ҳужжатлар илова қилинган ҳолда, берилган ариза банкка келиб тушган кундан бошлаб, ушбу ариза бўйича банк томонидан кредит бериш ёки бермаслик тўғрисидаги қарорини бериш муддати 5 иш кунидан ошмаслиги лозим.

Банк кредит кўмитаси томонидан кредит беришни рад этиш тўғрисида қарор қабул қилинган ҳолларда, у раддияни ёзма шаклда изоҳлаб бериши шарт.

11. Кредит шартномаси кучга киргандан сўнг, кредит бўлими ходими, муддати ва фоиз ставкасини кўрсатган ҳолда, ссуда ҳисобварағини очиш тўғрисида бухгалтерияга кўрсатма беради ва кейинги иш кунидан кечиктирмасдан қарз олувчига ссуда ҳисобварағи очилади.

III. Кредитлаш ва кредитни қайтариш тартиби

12. Қарз олувчининг ссуда ҳисобварағидан тўловлар нақд пулсиз шаклда пахта ёғи, шрот ва шелухани сотиб олиш учун фақат қарз олувчиларнинг тўлов топшириқномаларига асосан амалга оширилади.

13. Берилган кредитлар бўйича кредит бўлими ходимининг фармойишига кўра муддатли мажбуриятномалар расмийлаштирилади ва улар кредитлаш муддатларига қараб, тўла қайтарилганига қадар тегишли кўзда тутилмаган ҳолатлар ҳисобварақларида ҳисобга олинади.

14. Тижорат банклари томонидан кредитдан фойдаланишнинг бутун муддати давомида доимий мониторинг амалга оширилади ва у қарз олувчи томонидан унинг лойиҳаси ва кредит шартномаси шартларининг амалга оширилишига ҳар томонлама кўмаклашишга қаратилган бўлиши лозим.

15. Берилган кредитдан бошқа мақсадда фойдаланганлик ҳолати аниқланганда, банк кредит шартномасида белгиланган тартибда, кредитнинг мақсадга номувофиқ ишлатилган қисмини қарз олувчининг асосий талаб қилиб олингунча депозит ҳисоб рақамидан муддатидан олдин ундириб олиши мумкин.

16. Қайтариш муддати етиб келганда ва қарз олувчининг пул маблағлари мавжуд бўлмаган тақдирда, кредит муддати ўтган ссудалар ҳисоб рақами орқали ундириб олишга тақдим этилади, у бўйича муддатли мажбуриятномалар эса 2-картотекага жойлаштирилади ва ўрнатилган тартибда ундирилади. Бунда фоизлар кредит қарзларидан олдин ундирилади.

17. Қарз олувчи томонидан асосий қарзни ва унга ҳисобланган фоизларни кредит шартномасида келишилган муддатда қайтарилмаса, банк Фуқаролик кодексининг 280-моддаси иккинчи қисмига мувофиқ мустақил равишда, судга мурожаат қилмасдан, гаров предметини тасарруф қилиб, уни қонунчиликда белгиланган тартибда сотган ҳолда ўзининг кредит бўйича қарздорлигини қайтаради.

18. Қарз олувчининг таъминоти кредит бўйича асосий қарздорлик ва унга ҳисобланган фоизларни қайтаришга етмаган тақдирда, банк, мазкур қарзни қайтаришни қарз олувчининг ликвидли мол-мулки, шу жумладан, ишлаб чиқариш ва ижтимоий инфратузилма объектлари, транспорт воситалари, компьютер ҳамда корхона ва ташкилотларнинг бошқа ликвидли активлари ҳисобига Ўзбекистон Республикаси Вазирлар Маҳкамасининг 2002 йил 4 декабрдаги 422-сонли қарори билан тасдиқланган «Банкларни кредитлари бўйича қарздорлик ўз вақтида қайтарилмаган тақдирда ундирувни қарздорларнинг ликвидли мол-мулкига қаратиш Тартиби»га мувофиқ амалга ошириши мумкин.

ЎЗБЕКИСТОН РЕСПУБЛИКАСИ МАРКАЗИЙ БАНКИ БОШҚАРУВИ
ЎЗБЕКИСТОН РЕСПУБЛИКАСИ МОЛИЯ ВАЗИРЛИГИНИНГ
ҚАРОРИ

346 «Ўзбекчармпойабзали» уюшмасининг ишлаб чиқариш корхоналарига фурнитура, ёрдамчи ва бутловчи материаллар сотиб олиш учун нақд пул маблағларини бериш тартиби тўғрисида низомни ўз кучини йўқотган деб ҳисоблаш тўғрисида

(2005 йил 7 ноябрда 164-мҳ-сон билан давлат реестридан чиқарилди)

Ўзбекистон Республикаси Вазирлар Маҳкамасининг 2005 йил 6 октябрдаги «Ўзбекистон Республикаси Ҳукуматининг айрим қарорларига ўзгартиришлар кириштириш ва баъзи қарорларини ўз кучини йўқотган деб ҳисоблаш тўғрисида»ги 222-сонли қарорига мувофиқ Ўзбекистон Республикаси Марказий банк Бошқаруви ва Молия вазирлиги **қарор қилади:**

Ўзбекистон Республикаси Марказий банк Бошқаруви ва Ўзбекистон Республикаси Молия вазирлигининг 2001 йил 19 майдаги қарори ва у билан тасдиқланган 2001 йил 2 июнда 1038-сон билан давлат рўйхатига олинган «Ўзбекчармпойабзали» уюшмасининг ишлаб чиқариш корхоналарига фурнитура, ёрдамчи ва бутловчи материалларни харид қилиш учун нақд пул маблағларини бериш тартиби тўғрисидаги низом ўз кучини йўқотган деб ҳисоблансин.

Марказий банк Бошқаруви раиси Ф. МУЛЛАЖОНОВ

Тошкент ш.,
2005 йил 12 октябрь,
22/3-сон

Тошкент ш.,
2005 йил 12 октябрь,
100-сон

ЎЗБЕКИСТОН РЕСПУБЛИКАСИ МАРКАЗИЙ БАНКИ БОШҚАРУВИНИНГ
ҚАРОРИ

347 «Ўзбекенгилсаноат» уюшмаси ва «Ўзбек қоракўли» компанияси тизимидаги ширкатлар таъсисчилари — жисмоний шахслар маблағлари ҳисобига аҳолидан сотиб олинган тери, қоракўл ва мўйна хом ашёси учун ҳисоб-китоб қилиш тартибини ва Тижорат банклари томонидан қайта ишловчи корхоналарга сут, тирик мол, жун, қорамол ва майда моллар териси, мева-сабзавот ва полиз маҳсулотларини харид қилиш учун нақд пул бериш ва улардан фойдаланиш тартиби тўғрисида низомни ўз кучини йўқотган деб ҳисоблаш тўғрисида

(2005 йил 7 ноябрда 165-мх, 166-мх-сон билан давлат реестридан чиқарилди)

Ўзбекистон Республикаси Вазирлар Маҳкамасининг 2005 йил 6 октябрдаги «Ўзбекистон Республикаси Ҳукуматининг айрим қарорларига ўзгартиришлар киритиш ва баъзи қарорларини ўз кучини йўқотган деб ҳисоблаш тўғрисида»ги 222-сонли қарорига мувофиқ Марказий банк Бошқаруви **қарор қилади:**

Куйидагилар ўз кучини йўқотган деб ҳисоблансин:

Марказий банк Бошқарувининг 1998 йил 23 сентябрдаги қарори ва у билан тасдиқланган 1998 йил 22 октябрда 508-сон билан давлат рўйхатига олинган, 2000 йил 21 августдаги 508-1-сон билан рўйхатдан ўтган қўшимча ва ўзгартиришлар билан бирга «Ўзбекенгилсаноат» уюшмаси ва «Ўзбек қоракўли» компанияси тизимидаги ширкатлар таъсисчилари — жисмоний шахслар маблағлари ҳисобига аҳолидан сотиб олинган тери, қоракўл ва мўйна хом ашёси учун ҳисоб-китоб қилиш тартиби;

Марказий банк Бошқарувининг 2002 йил 30 ноябрдаги қарори ва у билан тасдиқланган 2003 йил 14 январда 1198-сон билан давлат рўйхатига олинган Тижорат банклари томонидан қайта ишловчи корхоналарга сут, тирик мол, жун, қорамол ва майда моллар териси, мева-сабзавот ва полиз маҳсулотларини харид қилиш учун нақд пул бериш ва улардан фойдаланиш тартиби тўғрисидаги низоми.

Марказий банк Бошқаруви раиси Ф. МУЛЛАЖОНОВ

Тошкент ш.,
2005 йил 12 октябрь,
22/2-сон

ЎЗБЕКИСТОН РЕСПУБЛИКАСИ ДАВЛАТ МУЛКИНИ БОШҚАРИШ
ДАВЛАТ ҚЎМИТАСИНING
ҚАРОРИ

348 Давлат улушларини бошқариш бўйича давлатнинг ишончли вакиллари, бошқарувчи компаниялар ва ишончли бошқарувчилар фаолияти самарадорлиги мониторингини юритиш тартиби тўғрисидаги низомга ўзгартириш ва қўшимчалар киритиш ҳақида

*Ўзбекистон Республикаси Адлия вазирлиги томонидан 2005 йил
11 ноябрда 1394-1-сон билан давлат рўйхатидан ўтказилди*

(2005 йил 21 ноябрдан кучга киради)

Давлатнинг ишончли вакиллари ва профессионал бошқарувчи компанияларнинг хусусийлаштирилган корхоналарнинг корпоратив бошқариш жараёнига қатнашиш фаолиятининг самарадорлигини назорат қилиш мақсадида Ўзбекистон Республикаси Давлат мулкни бошқариш давлат қўмитаси **қарор қилади:**

1. Ўзбекистон Республикаси Давлат мулкни бошқариш ва тадбиркорликни қўллаб-қувватлаш давлат қўмитаси томонидан 2004 йил 21 июлда 01/06-15-сон қарори билан тасдиқланган Давлат улушларини бошқариш бўйича давлатнинг ишончли вакиллари, бошқарувчи компаниялар ва ишончли бошқарувчилар фаолияти самарадорлиги мониторингини юритиш тартиби тўғрисидаги низомга (2004 йил 30 июль, рўйхат рақами 1394) иловага* мувофиқ ўзгартириш ва қўшимчалар киритилсин.

2. Ушбу қарор Ўзбекистон Республикаси Адлия вазирлигида давлат рўйхатидан ўтказилган кундан бошлаб ўн кун ўтгандан кейин кучга киради.

Давлат мулки қўмитаси раиси М. АСҚАРОВ

Тошкент ш.,
2005 йил 1 ноябрь,
01/06-18/06-сон

* Илова рус тилидаги матнда берилган.

Ўзбекистон Республикаси
Адлия вазирлиги маълум қилади:
вазирликлар, давлат кўмиталари ва идораларининг
умумий мажбурий тусдаги меъёрий ҳужжатларини давлат
рўйхатидан ўтказиш ҳолати тўғрисида
2005 йил 7 ноябрдан 11 ноябргача бўлган маълумот

I. Давлат рўйхатидан ўтказилди:

1. «Топширилган пахта ҳосилидан фермер ва бошқа кишлоқ хўжалиги корхоналарига тегишли бўлган пахта истеъмол ёғи, шелуха ва кунжарани етказиб бериш тартиби тўғрисидаги низомни тасдиқлаш ҳақида» *Ўзбекистон Республикаси Қишлоқ ва сув хўжалиги вазирининг 2005 йил 6 ноябрдаги 223-сон буйруғи.*

2005 йил 7 ноябрда 1519-сон билан рўйхатдан ўтказилди (2005 йил 17 ноябрдан кучга киради).

2. «Тижорат банклари томонидан ширкат ва фермер хўжаликларига уларга тегишли пахта ёғи, шрот ва шелухани ёғ-мой корхоналари ва уларнинг шохобчаларидан ўз вақтида харид қилишлари учун кредит бериш тартиби тўғрисида низомни тасдиқлаш ҳақида» *Ўзбекистон Республикаси Марказий банки Бошқарувининг 2005 йил 22 октябрдаги 23/9-сон қарори.*

2005 йил 7 ноябрда 1520-сон билан рўйхатдан ўтказилди (2005 йил 17 ноябрдан кучга киради).

3. «Давлат улушларини бошқариш бўйича давлатнинг ишончли вакиллари, бошқарувчи компаниялар ва ишончли бошқарувчилар фаолияти самарадорлиги мониторингини юритиш тартиби тўғрисидаги низомга ўзгартириш ва қўшимчалар киритиш ҳақида» *Ўзбекистон Республикаси Давлат мулки қўмитасининг 2005 йил 1 ноябрдаги 01/06-18/06-сон қарори.*

2005 йил 11 ноябрда 1394-1-сон билан рўйхатдан ўтказилди (2005 йил 21 ноябрдан кучга киради).

II. Давлат реестридан чиқарилди:

1. Пахта хом-ашёсини саноат йўли билан қайта ишлаш натижасида олинган пахта истеъмол ёғи, шелуха ва кунжарани хўжаликларга қайтариш тартиби тўғрисида низом. *Ўзбекистон Республикаси Қишлоқ ва сув хўжалиги вазирлиги томонидан тасдиқланган (2003 йил 11 июнь, рўйхат рақами 1249).*

Адлия вазирининг 2005 йил 7 ноябрдаги 163-мқ-сон буйруғи билан реестрдан чиқарилди.

2. «Ўзбекчармпойабзали» уюшмасининг ишлаб чиқариш корхоналарига фурнитура, ёрдамчи ва бутловчи материаллар сотиб олиш учун нақд пул маблағларини бериш тартиби тўғрисида низом. *Ўзбекистон Республикаси Марказий банки Бошқаруви, Молия вазирлиги томонидан тасдиқланган (2001 йил 2 июнь, рўйхат рақами 1038).*

Адлия вазирининг 2005 йил 7 ноябрдаги 164-мҳ-сон буйруғи билан реестрдан чиқарилди.

3. «Ўзбекенгилсаноат» уюшмаси ва «Ўзбек қорақўли» компанияси тизимидаги ширкатлар таъсисчилари — жисмоний шахслар маблағлари ҳисобига аҳолидан солиб олинadиган тери, қорақўл ва мўйна хом ашёси учун ҳисоб-китоб қилиш тартиби, 1-сонли ўзгартириш ва қўшимчалар. *Ўзбекистон Республикаси Марказий банки Бошқаруви томонидан тасдиқланган (1998 йил 22 октябрь, рўйхат рақами 508; 2000 йил 21 август, рўйхат рақами 508-1).*

Адлия вазирининг 2005 йил 7 ноябрдаги 165-мҳ-сон буйруғи билан реестрдан чиқарилди.

4. Тижорат банклари томонидан қайта ишловчи корхоналарга сут, тирик мол, жун, қорамол ва майда моллар териси, мева-сабзавот ва полиз маҳсулотларини харид қилиш учун нақд пул бериш ва улардан фойдаланиш тартиби тўғрисида низом. *Ўзбекистон Республикаси Марказий банки Бошқаруви томонидан тасдиқланган (2003 йил 14 январь, рўйхат рақами 1198).*

Адлия вазирининг 2005 йил 7 ноябрдаги 166-мҳ-сон буйруғи билан реестрдан чиқарилди.

Мазкур ҳужжатлар амалдаги қонунчиликка ўзгартиришлар киритилиши ва/ёки янги норматив-ҳуқуқий ҳужжатлар қабул қилиниши муносабати билан давлат реестридан чиқарилди.

